

咸豐二年八月初七日

奏

61



臣  
翁心存跪

奏為恭謝

天恩事本月初六日內閣奉

上諭都察院左都御史著翁心存兼署欽此竊臣材

原樗質學有蓬心冀殫葵藿之誠願效芻蕘之  
獻忝司雉正慙同

舜陞之及斯未陟烏臺敢比

堯廷之屈軼涓埃莫報兢惕方深茲復渥荷

天恩俾暫兼權風憲日慎倍嚴乎夙夜月成彌懍乎

冰淵臣惟有廉潔持身精勤集事肅

朝廷之綱紀益加循省於再三偕寮案以靖共庶答  
高深於萬一所有微臣感激下忱謹繕摺恭謝

天恩伏乞

皇上聖鑒謹

奏

咸豐二年八月

初七

日



